

ქ. თბილისის მუნიციპალიტეტის მთაწმინდის რაიონის გამგეობა



კიკეთში, მაჟალო მიწების მიმდებარედ გრუნტის დამჭერი რკინაბეტონის
კედლის, ქ. თბილისში, ამაღლების ქუჩა N8-ში გრუნტის დამჭერი
რკინაბეტონის კედლის, რჩეულიშვილის ქ. N10-ში მდებარე
დაზიანებული კედლის და რჩეულიშვილის ქ. N4-ში ღობის, ლითონის
მოაჯირისა და კიბის კაპიტალური შეკეთების სამუშაოების
სახელმწიფო შესყიდვის ელექტრონული ტენდერის

სატენდერო დოკუმენტაცია

ქ. თბილისი

2016 წელი

სარჩევი

1. ინსტრუქცია ტენდერში მონაწილეთათვის.....	3
2. ტექნიკური დოკუმენტაცია და დამატებითი მოთხოვნები	4
3. სახელმწიფო შესყიდვის შესახებ ხელშეკრულების პროექტი	6
4. დანართი N1 პრეტენდენტის რეკვიზიტები	12
5. დანართი N2- N5 ხარჯთაღრიცხვა	13
6. დანართი N6 ინფორმაცია პრეტენდენტის გამოცდილების თაობაზე	18

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3. ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სატენდერო დოკუმენტაციის მოთხოვნებთან შესაბამისობის დადასტურების მიზნით, უცხოური საწარმოს/უცხოური საწარმოს ფილიალის/წარმომადგენლობის მიერ სახელმწიფო შესყიდვების ერთიან ელექტრონულ სისტემაში წარმოდგენილ, უცხო ქვეყანაში შედგენილ დოკუმენტზე ხელმოწერები დამოწმებული უნდა იყოს ნოტარიუსის ან შესაბამისი საჯაროსამართლებრივი უფლებამოსილების მქონე პირის მიერ, ხოლო ამ უკანასკნელის ხელმოწერა - ლეგალიზებული ან აპოსტილით დამოწმებული.

1.5. შემსყიდველ ორგანიზაციაში წარმოსადგენი ყველა დოკუმენტის ნამდვილობაზე პასუხისმგებელია პრეტენდენტი.

1.6. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7. სატენდერო დოკუმენტაციაში განსაზღვრულ შესასყიდ საქონელზე, სადაც მითითებული იქნება კონკრეტული სასაქონლო ნიშანი, მოდელი, წარმოშობის წყარო ან მწარმოებელი (ასეთის არსებობის შემთხვევაში) იგულისხმება „მსგავსი“ ან „ეკვივალენტური“.

1.8. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია ტენდერისთვის სტატუსის „წინადადებების მიღება დასრულებულია“ მინიჭებიდან არაუგვიანეს 3 სამუშაო დღეში პრეტენდენტისაგან მოითხოვს ფასწარმოქმნის ადეკვატურობის დასაბუთებას, რაზეც პრეტენდენტის მიერ წარმოდგენილი უნდა იქნას სსიპ „ლევან სამხარაულის სახ. ექსპერტიზის ეროვნული ბიუროს“ ან აკრედიტაციის ეროვნულ ცენტრში აკრედიტებული სხვა პირის მიერ გაცემული შესაბამისი დასკვნა. ექსპერტიზის დასკვნის წარმოდგენლობა ან/და უარყოფითი დასკვნის წარმოდგენა გამოიწვევს შესაბამისი პრეტენდენტის დისკვალიფიკაციას. ფასწარმოქმნის ადეკვატურობის დასაბუთებაზე ვრცელდება „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-12 მუხლის მე-11-მე-14 პუნქტებით განსაზღვრული წესები.

2. ტექნიკური დოკუმენტაცია და დამატებითი მოთხოვნები

2.1. შესყიდვის ობიექტის ტექნიკური პირობები და რაოდენობა: კიკეთში, მაჟალო მიწების მიმდებარედ გრუნტის დამჭერი რკინაბეტონის კედლის, ქ.თბილისში, ამაღლების ქუჩა N8-ში გრუნტის დამჭერი რკინაბეტონის კედლის, რჩეულიშვილის ქ.N10-ში მდებარე დაზიანებული კედლის და რჩეულიშვილის ქ. N4-ში ღობის, ლითონის მოაჯირისა და კიბის კაპიტალური შეკეთების მიზნით ჩასატარებელია დანართი N2-N5-ით გათვალისწინებული სამუშაოები თანდართული ნახაზების მიხედვით (იხ PDF ფაილები);

2.1.1. საჭიროების შემთხვევაში, მიმწოდებელმა სამუშაოების შესრულების პროცესში საავტომობილო გზაზე უნდა უზრუნველყოს სამუშაო ადგილის შემოფარგვლა და დამცავი გამაფრთხილებელი თვალსაჩინოების და შუქნიშნების დაყენება.

2.2. სხვა მოთხოვნები

2.2.1. მიწოდების პირობები და ვადა: შესყიდვის ობიექტის მიწოდება მოხდება მიღება-ჩაბარების აქტის საფუძველზე. მიწოდების საბოლოო ვადა: არაუგვიანეს 2016 წლის 26 დეკემბერი.

2.2.2. მიწოდების ადგილი - ქ. თბილისი, ამაღლების ქუჩა N8, რჩეულიშვილის ქ. N4, რჩეულიშვილის ქ. N10 და კიკეთი, მაჟალო მიწების მიმდებარედ.

2.2.3. პრეტენდენტის მიერ 2014 წლის 1 იანვრიდან შესრულებული ანალოგიური სამუშაოების - საერთო სამშენებლო სამუშაოების საერთო ღირებულება არ უნდა იყოს 600 000 ლარზე ნაკლები, მათ შორის 300 000 ლარის ღირებულების გრუნტის დამჭერი რკინაბეტონის კედლის შეკეთების ან/და რეაბილიტაციის ან/და მოწყობის ან/და ახლის მშენებლობის სამუშაოებზე.

2.3. სატენდერო წინადადების ფასი:

2.3.1. სატენდერო წინადადებაში ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.3. 2. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

2.4. ანგარიშსწორების პირობები:

2.4.1. ანგარიშსწორება მოხდება უნაღდო ანგარიშსწორებით ლარში.

2.4.2. ანგარიშსწორება მოხდება ადგილობრივი ბიუჯეტის სახსრებით, მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის განმავლობაში.

2.5. შესრულებული სამუშაოს ხარისხის გარანტია

2.5.1. შესრულებული სამუშაოს ხარისხის საგარანტიო ვადაა 5(ხუთი) წელი საბოლოო მიღება-ჩაბარების აქტის გაფორმებიდან.

2.5.2. სამუშაოების დასრულების შემდეგ საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხო ან/და არაჯეროვანი შესრულებით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით.

2.6. დამატებითი ინფორმაცია:

2.6.1. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

2.6.2. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის საფუძველზე: ქ. თბილისი, მთაწმინდის რაიონის გამგეობა, ძმ. ზუბალაშვილების ქ. N48, სატენდერო კომისიის აპარატის წევრი - დავით კასრადე. ტელ: 237 29 83; 577 15 88 38. ელ. ფოსტა. d.kasradze@tbilisi.gov.ge, ტექნიკურ საკითხებთან დაკავშირებით: ინფრასტრუქტურული პროექტების მართვისა და პროექტირების განხორციელების განყოფილების უფროსი - გრიგოლ ტულუში, ტელ: 599906713

2.7. პრეტენდენტის მიერ ერთიან ელექტრონულ სისტემაში ასატვირთი მონაცემები:

2.7.1. პრეტენდენტის რეკვიზიტები დანართი N1-ს შესაბამისად;

2.7.2. ხარჯთაღრიცხვები დანართი N2- N5-ის შესაბამისად (ხარჯთაღრიცხვების ექსელის ფორმატის ფაილი ატვირთულია სატენდერო დოკუმენტაციასთან ერთად) (ხარჯთაღრიცხვების წარმოდგენა სავალდებულოა, წინააღმდეგ შემთხვევაში პრეტენდენტი ექვემდებარება დისკვალიფიკაციას);

2.7.3. ინფორმაცია პრეტენდენტის გამოცდილების თაობაზე 2.2.3. პუნქტის შესაბამისად (დანართი N6)

• პრეტენდენტის მიერ სატენდერო წინადადების წარმოდგენა ნიშნავს, რომ იგი ეთანხმება შემსყიდველის ყველა იმ მოთხოვნას რომელიც აღწერილია სატენდერო დოკუმენტაციაში.

ხელშეკრულება სახელმწიფო შესყიდვის შესახებ

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

ქ. თბილისი

თარიღი

1. ხელშეკრულების დამდები მხარეები

ერთის მხრივ, ქალაქ თბილისის მუნიციპალიტეტის მთაწმინდის რაიონის გამგეობა (შემდგომში – შემსყიდველი), წარმოდგენილი გამგებლის - გელა არჩვაძის სახით და, მეორეს მხრივ, ---- (შემდგომში „მიმწოდებელი“), წარმოდგენილი ---- სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

**2. ხელშეკრულების (შესყიდვის) ობიექტი, შესყიდვის საშუალება,
ხელშეკრულების ღირებულება, ხელშეკრულების ძალაში შესვლა და მოქმედების ვადა**

2.1 ხელშეკრულების (შესყიდვის) ობიექტია - კიკეთში, მაჟალო მიწების მიმდებარედ გრუნტის დამჭერი რკინაბეტონის კედლის, ქ. თბილისში, ამაღლების ქუჩა N8-ში გრუნტის დამჭერი რკინაბეტონის კედლის, რჩეულიშვილის ქ. N10-ში მდებარე დაზიანებული კედლის და რჩეულიშვილის ქ. N4-ში ღობის, ლითონის მოაჯირისა და კიბის კაპიტალური შეკეთების სამუშაოები, რომელიც განსაზღვრულია მიმწოდებლის მიერ წარმოდგენილი ხარჯთაღრიცხვებით, თან ერთვის ხელშეკრულებას და წარმოადგენს მის განუყოფელ ნაწილს.

2.2 შესყიდვის საშუალება – ელექტრონული ტენდერი.

2.3 ელექტრონული ტენდერის განცხადების ნომერი -----.

2.4 ხელშეკრულების ღირებულება შეადგენს ---- ლარს, ყველა გადასახადის ჩათვლით.

2.5 კლასიფიკატორის კოდი - **45262311**.

2.6 ხელშეკრულება ძალაში შედის გაფორმებისთანავე და მოქმედებს ----- ჩათვლით.

3. სამუშაოს შესრულების პირობები

3.1 შესყიდვის ობიექტის მიწოდების საბოლოო ვადაა

3.2 მიწოდების ადგილი: - ქ. თბილისი, ამაღლების ქუჩა N8, რჩეულიშვილის ქ. N4, რჩეულიშვილის ქ. N10, კიკეთი, მაჟალო მიწების მიმდებარედ.

3.3 სამუშაოების დასრულების შემდეგ მომწოდებელი ვალდებულია თავისი ძალებით და სახსრებით დაუყოვნებლივ გაათავისუფლოს სამუშაო ადგილი მანქანა-მექანიზმებისაგან, მოწყობილობა-დანადგარებისაგან, მასალებისაგან, და ა. შ.

4. შესრულებული სამუშაოს ხარისხი და გარანტია

4.1 შესრულებული სამუშაოს ხარისხის საგარანტიო ვადად განისაზღვროს საბოლოო მიღება-ჩაბარების აქტის გაფორმებიდან 5 (ხუთი) წელი.

4.2 ხელშეკრულების ფარგლებში შესასრულებელი სამშენებლო სამუშაოების ხარისხი უნდა შეესაბამებოდეს საქართველოში მოქმედი და ხელშეკრულებით განსაზღვრული სამშენებლო ნორმებითა და წესებით გათვალისწინებულ მოთხოვნებს და სტანდარტებს. მიმწოდებლის მიერ შესრულებული სამუშაოს რაოდენობრივ, ხარისხობრივ და ლაბორატორიულ შემოწმებას ჩაატარებს

ა(ა)იპ თბილისის მუნიციპალური ლაბორატორია (მომსახურების ღირებულების ანაზღაურებას უზრუნველყოფს შემსყიდველი).

4.3 სამუშაოების დასრულების შემდეგ საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხო ან/და არაჯეროვანი შესრულებით, მიმწოდებელი ვალდებულია აღმოფხვრას წუნი საკუთარი ხარჯებით.

4.4. თუ მიმწოდებელი ნაკლის აღმოფხვრასთან დაკავშირებით მიღებული შეტყობინების შემდეგ არ შეასრულებს თავის ვალდებულებებს, შემსყიდველს უფლება აქვს მიმწოდებლისაგან მოითხოვოს დეფექტის აღმოფხვრის ხარჯი.

5. ხელშეკრულების შესრულების კონტროლი (ინსპექტირება)

5.1 ხელშეკრულებით ნაკისრი ვალდებულებების შესრულების კონტროლს ნებისმიერ ეტაპზე ახორციელებს შემსყიდველი.

5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქ. თბილისის მთაწმინდის რაიონის გამგეობის მიერ განსაზღვრული უფლებამოსილი პირები, ხოლო ტექნიკურ ზედამხედველობას ა(ა)იპ თბილისის მუნიციპალური ლაბორატორია.

5.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. კერძოდ: შემსყიდველის მოთხოვნის შემთხვევაში, მიმწოდებელი ვალდებულია საკუთარი რესურსებით აწარმოოს სამუშაოების ხარისხის კონტროლი და ზედამხედველობა, კერძოდ: მასალების გამოცდისათვის საჭირო სპეციალიზირებულ ლაბორატორიაში ჩაატაროს გამოსაყენებელი მასალების ხარისხის ყველა საკონტროლო ლაბორატორიული გამოცდები და შემოწმებები მათი გამოყენების ვარგისიანობაზე. ასეთ შემთხვევაში, სამუშაოების შესრულების დროს მიმწოდებელი ვალდებულია წარმოადგინოს გამოყენებული მასალების ლაბორატორიული დასკვნები და რეცეპტები, მათი ხარისხი უნდა შეესაბამებოდეს საქართველოში მოქმედ სტანდარტებსა და ნორმებს. მასალები უნდა ინახებოდეს დახურული წესით, გარდა იმ მასალებისა, რომელიც ნორმების მიხედვით ინახება ღია ცის ქვეშ.

5.4 იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი.

6. შესყიდვის ობიექტის მიღება-ჩაბარების წესი

6.1 შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

6.2 ხარჯთაღრიცხვით განსაზღვრული სამუშაოების მოცულობები შესაძლებელია შეიცვალოს, ფაქტიურად შესრულებული სამუშაოების გათვალისწინებით, ხელშეკრულების 5.2 პუნქტით განსაზღვრულ პირობებთან მიღწეული წინასწარი შეთანხმების საფუძველზე, რაზეც გაფორმდება შესაბამისი აქტი.

6.3 ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ წინარე ხელშეკრულების მე-5 მუხლის 5.2 პუნქტში მითითებული პირები.

6.4 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6.5 შემსყიდველი უფლებამოსილია შუალედური ფორმა №2-ის წარმოდგენიდან არაუმეტეს 28 კალენდარული დღის ვადაში, წერილობითი სახით აცნობოს მიმწოდებელს საბოლოო შემოწმების შედეგები დაწუნებული სამუშაოს მოცულობის და წუნდების მიზეზის მითითებით.

6.6 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება მოხდება ადგილობრივი ბიუჯეტის სახსრებით, მიღება-ჩაბარების აქტის გაფორმებიდან 10 (ათი) სამუშაო დღის ვადაში.

7.3 ხელშეკრულების 8.2 და 8.3 პუნქტების დარღვევის შემთხვევაში მიმწოდებელზე დაკისრებული პირგასამტეხლოს ანაზღაურებამდე შემსყიდველი უფლებამოსილია უარი თქვას ანგარიშსწორებაზე. ამ შემთხვევაში ანგარიშსწორება განხორციელდება მიმწოდებლის მიერ შესაბამის ანგარიშზე დაკისრებული პირგასამტეხლოს გადახდის შემდეგ.

8. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა, და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 მიმწოდებელი იღებს ვალდებულებას შესყიდვის ობიექტის (ნაწილის) მიწოდების ვადის დარღვევის შემთხვევაში გადაუხადოს პირგასამტეხლო შემსყიდველს ხელშეკრულების საერთო ღირებულების 0,1%-ის ოდენობით ყოველ ვადაგადაცილებულ დღეზე.

8.3 შესყიდვის ობიექტის (ნაწილის) მიწოდების ვადის 15 (თხუთმეტი) კალენდარულ დღეზე მეტი ვადით გადაცილების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება, რაც გამოიწვევს მიმწოდებლის დაჯარიმებას ხელშეკრულების საერთო ღირებულების 5%-ის ოდენობით და ხელშეკრულება ჩაითვლება შეუსრულებლად.

8.4 ხელშეკრულებით გათვალისწინებული ვალდებულებების შეუსრულებლობად ჩაითვლება აგრეთვე დავალებით გათვალისწინებული სამუშაოების (ნაწილის) არასრული მოცულობით შესრულება, თუ ამ მიზეზით შეუძლებელია შესყიდვის ობიექტის ექსპლუატაციაში მიღება. აღნიშნული გამოიწვევს მიმწოდებლის დაჯარიმებას ხელშეკრულების საერთო ღირებულების 5%-ის ოდენობით.

8.5 მიმწოდებლის მიზეზით ხელშეკრულების არაჯეროვნად (შესყიდვის ობიექტის ნაწილის არასათანადო ხარისხით) შესრულების შემთხვევაში (თუ ამ მიზეზის მიუხედავად, შესაძლებელია შესყიდვის ობიექტის ექსპლუატაციაში მიღება), მიმწოდებელი დაჯარიმდება ხელშეკრულების საერთო ღირებულების 1%-ის ოდენობით.

8.6 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვის ვადაში.

8.7 ხელშეკრულების 7.2 პუნქტის მოთხოვნის დარღვევის შემთხვევაში, მიმწოდებელს უფლება აქვს მოთხოვოს შემსყიდველს პირგასამტეხლო ჩასარიცხი თანხის 0,5%-ის ოდენობით, ყოველ ვადაგადაცილებულ დღეზე, გარდა იმ შემთხვევისა, როდესაც ეს მოხდა შემსყიდველისაგან დამოუკიდებელი მიზეზით.

8.8 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 მიმწოდებელი ვალდებულია შეატყობინოს შემსყიდველს ცალმხრივად შეწყვეტის შესახებ მიღებული გადაწყვეტილება, მისი მიღების საფუძველი და ამოქმედების თარიღი, ხოლო შემსყიდველმა აცნობოს მიმწოდებელს ცალმხრივად შეწყვეტის შესახებ მიღებული გადაწყვეტილება და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

- ა) მიმწოდებლის მიერ ხელშეკრულებით ნაკისრი ვალდებულებების დარღვევის შემთხვევაში;
- ბ) მიმწოდებლის მიერ ხელშეკრულების გაფორმებიდან სამუშაოების დაწყების 10 (ათი) კალენდარულ დღეზე მეტი ვადით გადაცილების შემთხვევაში.
- გ) მიმწოდებლის მიერ სამუშაოს საბოლოო შესრულების ვადის 15 (თხუთმეტი) კალენდარულ დღეზე მეტი ვადით გადაცილების შემთხვევაში.
- დ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- ე) საქართველოს კანონმდებლობით გათვალისწინებულ სხვა შემთხვევებში.

9.6 ამ მუხლის 9.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოების ღირებულება, მიმწოდებლისათვის დაკისრებული პირგასამტეხლოს თანხის გადახდის შემდეგ.

9.7 ხელშეკრულების შეწყვეტა შესაძლებელია აგრეთვე მხარეთა ურთიერთშეთანხმებით, საქართველოს კანონმდებლობით გათვალისწინებული პირობებით.

10. ფორს-მაჟორი

10.1 ფორსმაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. უსაფრთხოება და გარემოს დაცვა

11.1 მიმწოდებელმა სამუშაოების განხორციელების განმავლობაში საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

11.2 მიმწოდებელმა უნდა უზრუნველყოს სამუშაო ადგილის ფარგლებში გარემოზე ეკოლოგიური ზემოქმედების, მუშაობით გამოწვეული ხმაურის, ვიბრაციის და მტვრის გავლენის მინიმუმადე დაყვანა.

11.3 მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის და აფეთქების თავიდან ასაცილებლად.

11.4 მიმწოდებელი ვალდებულია სამუშაოები შესრულოს საქართველოში მოქმედი კანონმდებლობით დადგენილი უსაფრთხოების ნორმების დაცვით. აღნიშნულ ნორმათა დარღვევის შემთხვევაში, მიმწოდებელს ყოველ კონკრეტულ დარღვევაზე დაეკისრება შესაბამისი კანონმდებლობით გათვალისწინებული ჯარიმა.

11.5 ჯარიმის გადახდა მიმწოდებელს არ ათავისუფლებს დარღვევის აღმოფხვრისაგან.

12. ხელშეკრულებაში ცვლილებების შეტანა

12.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია.

12.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

13. უფლებების გადაცემა

13.1 ხელშეკრულებით განსაზღვრული ვალდებულებების მთლიანი ან ნაწილობრივი უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

14. ღირებულების შეცვლის პირობები

14.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

14.2 ხელშეკრულების ღირებულების პარამეტრების (ერთეულის ფასის) შეცვლა დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

14.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

14.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

15. ურთიერთობა ხელშეკრულების დამდებ მხარეებს შორის

15.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

15.2 შეტყობინება შედის ძალაში ადრესატის მიერ მისი მიღების დღეს.

16. სადაო საკითხების გადაწყვეტა

16.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით.

16.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

16.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

16.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

16.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

17. სხვა პირობები

17.1. ამ ხელშეკრულებით გათვალისწინებული პირობები რეგულირდება საქართველოს კანონმდებლობით.

17.2. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

18. მხარეთა იურიდიული რეკვიზიტები

შემსყიდველი:

მიმწოდებელი:

ქ. თბილისის მუნიციპალიტეტის

მთაწმინდის რაიონის გამგეობა

ს/კოდი: 204521954

მის: ძმ. ზუბალაშვილების ქ. №48.

ხაზინის ერთიანი ანგარიში

სახელმწიფო ხაზინა

ბანკის კოდი TRESGE22

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი, თანამდებობა:

პრეტენდენტის იურიდიული და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება და კოდი:

ანგარიშის ნომერი:

**2. სახელმწიფო შესყიდვების ერთიან ელექტრონულ სისტემაში
შემოთავაზებული სატენდერო წინადადების ფასი:**

**კიკეთში, მაჟალო მიწების მიმდებარედ გრუნტის დამჭერი რკინაბეტონის
კედლის კაპიტალური შეკეთების სამუშაოების ხარჯთაღრიცხვა**

N	სამუშაოს დასახელება	ზომი ს ერთ.	რაოდ	მასალა		ხელფასი		მანქანა- მექანიზმები		ჯამი
				ერთ. ფასი	ჯამ ი	ერთ. ფასი	ჯამი	ერთ. ფასი	ჯამი	
1	2	3	4	5	6	7	8	9	10	11
1	საპროექტო ტერიტორიის გასუფთავება ბეტონის კედლის ნანგრევებისაგან	მ ³	19,00							
2	II ჯგუფის გრუნტის დამუშავება	მ ³	98,00							
3	საფუძვლის მომზადება ღორღით	მ ³	4,0							
4	გრუნტის დამჭერი რკინაბეტონის კედლის მოწყობა B-20 ბეტონით (F150, W4)	მ ³	30,0							
	არმატურა A-III	ტ	2,18							
	გლინულა A-I	ტ	0,080							
	ქარგილები ყალიბების მოსაწყობად	მ ²	62,00							
5	შესაგოზი პიდროზოლაცია, (ორჯერად) ცხელი ბიტუმით, პრაიმერით დამუშავებულ კედელზე	მ ²	67,00							
6	d=100 მმ პლასტმასის მილი საფილტრაციო ხვრელების მოსაწყობად	გრძ.მ	10,00							
7	თბოსაიზოლაციო მასალა XPS, სისქით 4 სმ,	მ ²	5,00							
8	თიხის 20 სმ-იანი შრის მოწყობა დრენაჟისათვის	მ ³	6,50							
9	რიყის ქვა დრენაჟისათვის	მ ³	15,00							
10	ღორღის ფენის მოწყობა დრენაჟისათვის, ფრაქცია 40-70 მმ	მ ³	16,00							
11	გრუნტის უკუხაყრა (დატკეპნით)	მ ³	38,00							
12	ქვიშა ცემენტის ხსნარით მოჭიმვა (ნახაზის მიხედვით)	მ ²	26,00							
	ღორღი	მ ³	2,60							
	ქვიშა-ცემენტის ხსნარი	მ ³	2,60							
13	ზედმეტი გრუნტის დატვირთვა ავტოთვიმცვლელებზე	ტ	108,0							
14	სამშენებლო ნაგავისა და ზედმეტი გრუნტის გატანა 15 კმ-მდე მანძილზე	ტ	150,0							
	ჯამი:									
	ზედნადები ხარჯები	%								
	ჯამი:									
	მოგება	%								
	ჯამი									
	გაუთვალისწინებელი ხარჯები	%	3,0							
	ჯამი									
	დ.ღ.გ.	%	18,0							
	სულ									

ქ. თბილისში, ამაღლების ქუჩა N8-ში გრუნტის დამჭერი რკინაბეტონის
კედლის კაპიტალური შეკეთების სამუშაოების ხარჯთაღრიცხვა

N	სამუშაოს დასახელება	ზომი ს ერთ.	რაოდ	მასალა		ხელფასი		მანქანა- მექანიზმები		ჯამი
				ერთ. ფასი	ჯამ ი	ერთ. ფასი	ჯამი	ერთ. ფასი	ჯამი	
1	2	3	4	5	6	7	8	9	10	11
1	არსებული ლითონის მოაჯირის დემონტაჟი	გრძ.მ	6,00							
2	დროებითი ღობის მოწყობა	გრძ.მ	10,00							
3	არსებული დაზიანებული ყორექვის წყობის კედლის დემონტაჟი	მ ³	10,00							
4	არსებული ბეტონის კედლის დაზიანებული მონაკვეთის დემონტაჟი	მ ³	1,50							
5	II ჯგუფის გრუნტის დამუშავება	მ ³	3,00							
6	III ჯგუფის გრუნტის დამუშავება	მ ³	5,00							
7	რკინაბეტონის კედლის მოწყობა B-20 ბეტონით (F150, W4) (ჰიდროსაიზოლაციო მასალის დანამატი)	მ ³	10,0							
	არმატურა A-III	ტ	0,531							
	გლინულა A-I	ტ	0,028							
	ქარგილები ყალიბების მოსაწყობად	მ ²	16,00							
8	d=70 მმ პლასტმასის მილი საფილტრაციო ხერხების მოსაწყობად	გრძ.მ	6,00							
9	გრუნტის უკუჩაყრა (დატკეპნით)	მ ³	3,00							
10	არსებული ლითონის ღობის მონტაჟი საპროექტო რკინაბეტონის კედელზე	გრძ.მ	6,000							
	კუთხოვანა 50X50X5	გრძ.მ	12,00							
11	ქვიშა ცემენტის ხსნარით მოჭიმვა (ნახაზის მიხედვით)	მ ²	6,00							
	ღორღი	მ ³	0,60							
	ქვიშა-ცემენტის ხსნარი	მ ³	0,60							
12	საპროექტო და არსებული რკინაბეტონის კედლების შეღესვა ქვიშა-ცემენტის ხსნარით	მ ²	45,0							
	ხსნარი მოსაპირკეთებელი, მძიმე, ცემენტის 1:2	მ ³	1,50							
13	შელესილ კედლებზე ცემენტის ხსნარის შეშხეფვა (ორი ფენა, "ბრიზი")	მ ²	45,0							
	ხსნარი მოსაპირკეთებელი, მძიმე, ცემენტის 1:1	მ ³	0,45							
14	სამშენებლო ნაგავისა და ზეგმეტი გრუნტის დატვირთვა ავტო თვითმცლელზე და გატანა 30 კმ-მდე მანძილზე	ტ	33,0							
	ჯამი:									
	ზედნადები ხარჯები	%								
	ჯამი:									
	მოგება	%								
	ჯამი									
	გაუთვალისწინებელი ხარჯები	%	3,0							
	ჯამი									
	დ.ღ.გ.	%	18,0							
	სულ									

ქ.თბილისში, რჩეულიშვილის ქ. N4-ში ღობის, ლითონის მოაჯირისა და კიბის კაპიტალური შეკეთების სამუშაოების ხარჯთაღრიცხვა

N	სამუშაოს დასახელება	ზომი ს ერთ.	რაოდ	მასალა		ხელფასი		მანქანა- მექანიზმები		ჯამი
				ერთ. ფასი	ჯამ ი	ერთ. ფასი	ჯამი	ერთ. ფასი	ჯამი	
1	2	3	4	5	6	7	8	9	10	11
1	არსებული დაზიანებული ბეტონის ღობის დემონტაჟი	მ ³	3,00							
2	არსებული აგურის კედლის დემონტაჟი	მ ³	2,80							
3	ხის მოჭრა (ამოძირკვა)	ც	3,00							
4	ეზოში შესასვლელი ლითონის კარის დემონტაჟი	ც	2,00							
5	არსებული ყორექვის წყობის კედლის ნაწილობრივ დემონტაჟი (ნახაზის მიხედვით)	მ ³	5,00							
6	ხის კიბის დემონტაჟი	მ ²	5,00							
7	ასფალტო-ბეტონის საფარის დემონტაჟი	მ ²	9,00							
8	II ჯგუფის გრუნტის დამუშავება	მ ³	5,00							
9	საფუძვლის მომზადება ღორღით	მ ³	0,5							
10	რკინაბეტონის საძირკვლების, სვეტებისა და სარტყელების მოწყობა B-20 ბეტონით (F150, W4)	მ ³	7,0							
	არმატურა A-III	ტ	0,649							
	გლინულა A-I d=6 მმ	ტ	0,015							
	ქარგილები ყალიბების მოსაწყობად	მ ²	20,00							
11	თბოსაიზოლაციო მასალა XPS, სისქით 4 სმ, დეფორმაციული ნაკერების მოსაწყობად	მ ²	2,00							
12	კედლის მოწყობა აგურით	ც	1500,0 0							
	აგური თიხის კერამიკული, 25X12X6.5 სმ	ც	1500,0 0							
	ხსნარი წყობის, მიძიე, ცემენტის	მ ³	0,56							
13	ლითონის კიბის მოწყობა	ტ	0,370							
	შველერი №14	ტ	0,272							
	კუთხოვანა 45X45X4	ტ	0,097							
	ლითონის ფურცელი 300X300X10	ტ	0,027							
	ფოლადი ფურცლოვანი, დადარული სისქით 4 მმ	მ ²	3,700							
	მილკვადრატი 60X60X2	ტ	0,25							
	თუნუქი ფურცლოვანი, მოთუთიებული, სისქით 0.5 მმ	მ ²	12,00							
14	ეზოში შესასვლელი ლითონის არსებული კარის მონტაჟი	ც	2,00							
15	მოაჯირების მოწყობა მილკვადრატებით	გრძ.მ	11,2							
	მილკვადრატი 60X30X2	ტ	0,10							
	მილკვადრატი 40X25X2	ტ	0,09							
	ლითონის ფურცელი 200X200X10	ტ	0,028							
	არმატურა A-III d=10 მმ	ტ	0,008							
16	ლითონის ელემენტების გაწმენდა და ორი პირი შეღებვა	მ ²	36,0							
	ანტიკოროზიული საღებავი	კგ	10,0							
17	არსებულ ყორექვის წყობის კედელზე არმატურის ბადის მოწყობა	ტ	0,191							
	არმატურა A-III	ტ	0,191							
18	კედლის შეღებვა ქვიშა-ცემენტის ხსნარით (არმატურის ბადეზე)	მ ²	16,0							

1	2	3	4	5	6	7	8	9	10	11
	ხსნარი მოსაპირკეთებელი, მძიმე, ცემენტის 1:2	მ³	1,28							
19	ქვიშა ცემენტის ხსნარით მოჭიმვა	მ²	12,00							
	ღორღი	მ³	0,84							
	ქვიშა-ცემენტის ხსნარი	მ³	0,84							
20	ეზოში შესასვლელი კარის გვერდით არსებული კედლიდან დაზიანებული ბაზალტის ფილების დემონტაჟი	მ²	5,00							
21	კარის გვერდით არსებული კედლის შეღესვა ქვიშა-ცემენტის ხსნარით (ბადე რაბიცაზე)	მ²	8,0							
	ხსნარი მოსაპირკეთებელი, მძიმე, ცემენტის 1:2	მ³	0,65							
	არმატურა A-III d=10 მმ	ტ	0,008							
	ბადე რაბიცა	მ²	8,0							
22	შელესილი კედლის მოპირკეთება ბაზალტის ფილებით	მ²	8,0							
	ბაზალტის ფილა, სისქით 30 მმ	მ²	8,4							
	წებო ცემენტი ყინვაგამძლე	კგ	48,0							
23	სამშენებლო ნაგავისა და ზედმეტი გრუნტის დატვირთვა ავტო თვითმცლელზე და გატანა 30 კმ-მდე მანძილზე	ტ	26,0							
	ჯამი:									
	ზედნადები ხარჯები	%								
	ჯამი:									
	მოგება	%								
	ჯამი									
	გაუთვალისწინებელი ხარჯები	%	3,0							
	ჯამი									
	დ.დ.გ.	%	18,0							
	სულ									

ქ.თბილისში, რჩეულიშვილის ქ.N10-ში მდებარე დაზიანებული
კედლის კაპიტალური შეკეთების სამუშაოების ხარჯთაღრიცხვა

N	სამუშაოს დასახელება	ზომი ს ერთ.	რაოდ	მასალა		ხელფასი		მანქანა- მექანიზმები		ჯამი
				ერთ. ფასი	ჯამ ი	ერთ. ფასი	ჯამი	ერთ. ფასი	ჯამი	
1	2	3	4	5	6	7	8	9	10	11
1	სამშენებლო ტერიტორიის დასუფთავება ნაგვისაგან	მ ³	1,00							
2	ღობიდან დაზიანებული ბაზალტის ფილების დემონტაჟი	მ ²	5,00							
3	ღობის უკან არსებული აგურის კედლიდან ძველი ნაღესის მოხსნა	მ ²	19,00							
4	კედლების შეღესვა ქვიშა-ცემენტის ხსნარით (ბაღე რაბიჯაზე)	მ ²	35,0							
	ხსნარი მოსაპირკეთებელი, მძიმე ცემენტის 1:2	მ ³	3,00							
	არმატურა A-III d=10 მმ	ტ	0,030							
	ბაღე რაბიჯა	მ ²	35,0							
5	აგურის კედლის უკანა მხარეს ცემენტის ხსნარის შეშხეფვა (ორი ფენა, "ბრიჯი")	მ ²	20,0							
	ხსნარი მოსაპირკეთებელი, მძიმე ცემენტის 1:1	მ ³	0,20							
6	ღობის უკან არსებული კედლის მოპირკეთება ძველი ქართული აგურით	მ ²	19,0							
	დახერხილი ძველი ქართული აგური	მ ²	20,0							
	წებო ცემენტი ყინვაგამძლე	კგ	114,0							
7	ღობის მოპირკეთება ბაზალტის ფილებით	მ ²	16,0							
	ბაზალტის ფილა, სისქით 30 მმ	მ ²	16,8							
	წებო ცემენტი ყინვაგამძლე	კგ	96,0							
8	მოაჯირების მოწყობა მილკვადრატებით	ტ	0,140							
	მილკვადრატი 60X30X2	ტ	0,064							
	მილკვადრატი 40X25X2	ტ	0,056							
	ლითონის ფურცელი 150X150X10	ტ	0,014							
	არმატურა A-III d=10 მმ	ტ	0,006							
	კედლებში ნახვრეტების მოწყობა	ც	32,0							
9	მოაჯირების გაწმენდა და ორი პირი შედგება	გრძ.მ	6,4							
	ანტიკოროზიული საღებავი	კგ	4,0							
10	სამშენებლო ნაგავის გატანა 30 კმ-მდე მანძილზე	ტ	2,0							
	ჯამი:									
	ზედნადები ხარჯები	%								
	ჯამი:									
	მოგება	%								
	ჯამი									
	გაუთვალისწინებელი ხარჯები	%	3,0							
	ჯამი									
	დ.დ.გ.	%	18,0							
	სულ									

ინფორმაცია

პრეტენდენტის მიერ 2014 წლის 1 იანვრიდან შესრულებული
ანალოგიური სამუშაოების თაობაზე

N	შესრულებული სამუშაოს დასახელება	შემსყიდველის დასახელება და სატენდერო განცხადების (SPA) ნომერი	სამუშაოს შესრულების დრო (წელი)	შესრულებული სამუშაოს ღირებულება (ლარი)
	სულ:			

შენიშვნა:

- პრეტენდენტის მიერ 2014 წლის 1 იანვრიდან შესრულებული ანალოგიური სამუშაოების - საერთო სამშენებლო სამუშაოების საერთო ღირებულება არ უნდა იყოს 600 000 ლარზე ნაკლები, მათ შორის 300 000 ლარის ღირებულების გრუნტის დამჭერი რკინაბეტონის კედლის შეკეთების ან/და რეაბილიტაციის ან/და მოწყობის ან/და ახლის მშენებლობის სამუშაოებზე. აღნიშნული ინფორმაცია მოცემული უნდა იყოს წინამდებარე ცხრილში, რომელიც სატენდერო წინადადებასთან ერთად ატვირთული უნდა იქნას ერთიან ელექტრონულ სისტემაში.
- თუ ცხრილში ნაჩვენებია სამუშაოები არ განხორციელებულა სახელმწიფო შესყიდვების ერთიანი ელექტრონული სისტემის გამოყენებით, ამ შემთხვევაში უნდა აიტვირთოს სამუშაოების შესრულების დამადასტურებელი საბუთი (ხელშეკრულება, მიღება-ჩაბარების აქტი ან/და სხვა სახის დოკუმენტი).